

Cedla d'avis

davart la chüra dals daints e dal servezzan medicinel scolastic

Chüra da daints

Tenor l'orden chantunel davart la chüra da daints, publicho als 5 settember 1995, suottastaun ils iffaunts da las scoulinas, da la scoula populera e da la scoula auxiliera düraunt lur temp da scoula obligatori a la chüra da daints scolastica.

Nossa daintista da scoula, duonna dr.med.dent. Barbara Bruggmann-Tobler, controlla ils iffaunts da las scoulinas e quels da la scoula populera, e que üna vouta l'an. La controlla es obligatoria ed ho lö per regla in settember.

Il trattamaint dals iffaunts bsögna il consentimaint da lur rapreschantants giuridics, chi paun giavüscher da gnir orientos davart ils cuosts. Per trattamaints chi surpassan l'import da Fr. 400.-- vain fat ün preventiv.

Als 14 december 1995 ho decis la radunanza cumünela da Samedan dad abolir complettamaing la ledscha davart la chüra da daints.

La partecipaziun als cuosts davart la vschinauncha da Samedan es cotres regleda, cun vigur a partir als 14 december 1995, seguaintamaing:

1. Ils cuosts da las controllas obligatorias illas scoulinas ed illa scoula populera, fattas da la daintista da scoula, vegnan surpiglios da la vschinauncha da Samedan.
2. Ils cuosts dals trattamaints da daints, scu eir ils cuosts da controllas e da trattamaints ortopedics da gianoschas stöglian gnir surpiglios plainamaing dals genituors.

Davart da las sgüraunzas essans gnies orientos cha'd exista la pussibilted da sgürer ils cuosts da trattamaints da daints a premgias taunt inavaunt pajablas. Nus Als arcumandains perque da S'infurmer tar Lur sgüraunza d'amalos davart las pussibilteds existentas e da'S lascher cusglier.

Servezzan medicinel da scoula

Tenor l'uorden chantunel dals 14 december 2004 davart la chüra medicinela da scoula suottastaun tuot ils iffaunts da las scoulinas, da la scoula populera e da la scoula auxiliera a la chüra medicinela da scoula.

Controllo vegnan minch'an ils iffaunts da scoulina, chi cumainzan il prossem an la scoula, scu eir ils scolars/las scolaras chi sortan da la scoula la fin da l'an scolastic.

Il meidi da scoula, duonna Anke Kriemler, controlla il stedi da las vaccinaziuns dals iffaunts. Ella vain orienteda davart il stedi da las vaccinaziuns tres ils meidis da chesa/d'iffaunts.

In mira ad üna promoziun da la sandet e da la prevenziun d'essan ils iffaunts gnir animos da purter ils ögliers prescrits e'ls sustegns da s-charpas. Cha's porta üna chaplina cun ir culs skis e cul velo as vess d'incler da se.

Nus sperains d'avair respus a qualche dumandas in regard a la chüra da daints ed a la chüra medicinela da scoula. Per ulteriuras dumandas Als sto gugent a dispusiziun

Robert Cantieni, mneder da scoula, 7503 Samedan Tel. 081 / 851 10 10

Cun cordiels salüds
Scoula cumünela
da Samedan

Robert Cantieni, mneder da scoula

Samedan, 03 settember 2008 RC/sst